

# COFNODION CYFARFOD MISOL CYNGOR CYMUNED LLANENGAN a gynhaliwyd nos Fercher, Ionawr 8fed, 2020 am saith o'r gloch

## PRESENNOL

O. Hefin Roberts (Cadeirydd); G. Ian Evans (Is-gadeirydd), Angharad Correia-Martins, Edward O. Griffith, Alun Jones, John Gwilym Jones, Robert M. Jones, Owi Lloyd-Jones, Dylan Llwyd, Catherine Ll. Morris, Cynghorwyr John B. Hughes a Dewi W. Roberts (Cyngor Gwynedd – Sylwebwyr)

## YMDDIHEURIADAU

Wyn Griffiths, William B. Williams

## ABSENNOL

Erfyl W. Roberts

Croesawodd y Cadeirydd, yn arbennig Cyng. Alun Jones i'r cyfarfod, a dymunodd Flwyddyn Newydd Dda i bawb.

### 1. DATGAN BUDDIANT PERSONOL

Datganodd y Cynghorwyr John G. Jones a Dylan Llwyd fuddiant yng nghais cynllunio C19/1106/39/LL Trosi ac ymestyn ysgubor amaethyddol bresennol yn siop fferm a chaffi - Bodlondeb, Lôn Sarn Bach, Sarn Bach oherwydd bod yr ymgeisydd yn berthynas teuluol a thenant pori.

### 2. CADARNHAU COFNODION

Cynigiwyd ac eiliwyd bod cofnodion y cyfarfod a gynhaliwyd ar Ragfyr 11eg, 2019 yn gywir.

### 3. EITEMAU BRYD (Cadeirydd/Clerc) – Er gwybodaeth neu i'r Clerc weithredu. Ni chaniateir penderfyniadau

Ni dderbyniwyd dim.

### 4. CEISIADAU CYNLLUNIO

Trafodwyd y ceisiadau a ganlyn:

C19/1106/39/LL	Trosi ac ymestyn ysgubor amaethyddol bresennol yn siop fferm a chaffi – Bodlondeb, Lôn Sarn Bach, Sarn Bach – <b>Cefnogir [Datgan Diddordeb – JGJ, DLL]</b>
C19/1122/39/LL	Ail-leoli pedair llain carafán gwyliau presennol (dim cynnydd yn nifer y lleiniau), estyniad bychan i'r safle, ynghyd â thirlunio a gwelliannau amgylcheddol – Tal-y-fan Caravan Park, Llanbedrog – <b>Cefnogir</b>
C19/1125/39/AC	Diwygio Amod 2 o Ganiatâd Cynllunio C05D/0220/39/LL er mwyn caniatáu dau dŷ unllawr ar leiniau 3 a 4 – Bryn Hedd, Mynytho – <b>Cefnogir. Er hynny, gofynnwyd, gan nad oes gan y Cyngor hawl drafod/anfon sylwadau ar gais sy'n diweddu ag AC [amod cynllunio?] ai LL ddylai hwn fod o ystyried</b>

**mai “Gwrthodwyd oherwydd bod angen CAIS CYNLLUNIO LLAWN” oedd dyfarniad cais C19/1003/39/DA?**

C19/1126/39/DT	Codi estyniad unllawr – Ocean Crossing, Fferm Bwlchtocyn, Bwlchtocyn – <b>Cefnogir</b>
C19/1153/39/DT	Estyniad deulawr ochr i gymryd lle estyniad unllawr ochr a modurdy – Bryn Eithin, Mynytho – <b>Cefnogir</b>
C19/1157/39/DT	Adeiladu estyniad ochr i’r annedd, ynghyd â modurdy dwbl ar wahân – Crib y Gwynt, Lôn Garreg, Mynytho – <b>Cefnogir</b>
C19/1158/39/DT	Ffenestr gromen cefn a ffenestri to blaen (Ailgyflwyniad o gais cynllunio C19/0563/39/LL) – Delphis, 7 Stad Llwyn Onn, Aber-soch – <b>Cefnogir</b>
C19/1159/39/DT	Gosod ffenestr gromen cefn a chodi estyniad unllawr ar gefn yr eiddo – Delfryn, 13 Cae Du, Aber-soch – <b>Cefnogir</b>
C19/1162/39/LL	Dymchwel tŷ presennol ac adeiladu un annedd newydd – Bryn Benar, Lôn Pen Cej, Aber-soch – <b>Cefnogir</b>

**5. MATERION YN CODI**

a) **Toiledau Cyhoeddus**

i) ***Ymestyn Oriau Agor y Giatiau***

Nid oedd dim i’w adrodd.

ii) ***E-on – Gosod ‘Smart Meter’ yn y Toiledau***

Aildrefnwyd trefnu gosod y meter ar gyfer Ionawr 10fed; ‘ymddangosodd’ goriad y blwch ar fachyn y storfa.

b) **Rheolwr Gwarchod y Cyhoedd – Mickey’s Boatyard, Marchros**

Derbyniwyd copïau, er gwybodaeth, o ohebiaethau rhwng asiant gwrthwynebwyd yr uchod a’r Adran Gynllunio. Deallwyd hefyd y gohiriwyd trafod y cais cynllunio tan fis Chwefror.

c) **Cyfoeth Naturiol Cymru – Cytundeb Torri’r Foel**

Ni dderbyniwyd yr ad-daliadau na gohebiaeth bellach am bori’r comin.

**6. MYNWENT**

a) **Prisiau Claddu Newydd**

Ni lwyddwyd trefnu cyfarfod o’r Is-bwyllgor i drafod yr uchod.

b) **Yr Hen Fynwent**

Yn anffodus, mae Cadeirydd yr Henaduriaeth yn yr ysbyty ac ni ellid cadarnhau dyddiad cyfarfod i drafod yr uchod.

**7. CAEAU CHWARAE**

a) **Offer Newydd – Goliau**

Mae goliau newydd Cae Chwarae Aber-soch yn barod – angen eu casglu a’u gosod, ynghyd â threfnu ail-leoli rhai Cae Chwarae Mynytho.

b) **Paentio’r Offer a Lloches Bws Parciau, Mynytho**

Addawodd y paentiwr gwblhau’r uchod cyn gynted ag y gwella’r tywydd.

c) **Mainc Solar**

Ni dderbyniwyd ateb oddi wrth Glerc Cyngor Cymuned Llanfair Talhaearn yn dilyn holi faint o ddefnydd ac ati a wneir o’r un yno.

ch) **Coeden ger Cae Chwarae Aber-soch**

Ni lwyddwyd ymchwilio i berchnogaeth y ffordd ar wefan Y Gofrestrfa Tir oherwydd trafferthion cyfrifiadurol y Clerc.

[Adroddodd Cyng. Dewi W. Roberts y broliodd sawl un yr offer newydd yng Nghae Chwarae Aber-soch yn ystod y gwyliau – gofynnodd i'r Clerc gofnodi hynny.]

d) **Rheoliadau Caeau Chwarae (Ymgysylltiad Cymunedau â Phenderfyniadau Gwaredu (Cymru) 2015**

Copi diwygiedig o'r Canllawiau ar gyfer gwerthu caeau chwarae yn unol â Rheoliadau 2015.

8. **CYFRIFON**

a) **Eisteddfod Genedlaethol Llŷn ac Eifionydd 2021**

Cynhelir cyfarfod cyntaf y Pwyllgor Cyllid Lleol yng Ngholeg Meirion Dwyfor, nos fory. Derbyniwyd gwybodaeth drafft mai targed y gymuned hon fydd £20,000.

b) **Praesept 2020 – 2021**

Penderfynwyd, yn dilyn trafodaeth, y dylid cynyddu'r praesept £5,000 a fuasai'n galluogi cyfrannu at yr Eisteddfod Genedlaethol dros gyfnod o dair blwyddyn ariannol, ynghyd ag unrhyw gostau ychwanegol a all y Cyngor eu hwynebu yn y dyfodol.

c) **Adnewyddu Ffi Diogelu Data**

Derbyniwyd gohebiaeth yr adnewyddir yr uchod ar Ionawr 31ain – gweler 15. Cadarnhau Taliadau a Derbyniadau isod.

9. **MATERION CYNLLUNIO**

a) **Materion yn y Gymuned/Ymholiadau Cynllunio/Gorfodaeth**

Unwaith yn rhagor ni dderbyniwyd ateb oddi wrth y Swyddogion Cynllunio.

b) **Cytiau Glan y Môr**

Yr un cofnod â'r uchod – ni dderbyniwyd ateb oddi wrth y Swyddogion Cynllunio nac Arweinydd y Cyngor fel yr addawodd ym mis Mehefin.

c) **Swyddog Gorfodaeth – Storio Carafanau yn Nhy'n-y-Mur, Lôn Garmon, Aber-soch**

Ni dderbyniwyd cais cynllunio i gadw'r defnydd di-ganiatâd hyd yma.

ch) **Dilyn a Darganfod**

Derbyniwyd ateb oddi wrth yr Adran Gynllunio ar ôl gohebu sawl gwaith i fynegi na ellid cael unrhyw ganlyniad o chwilio am ddyfarniadau cynllunio ar yr uchod ac ymholi am ystyr 'DT' ar ddiwedd ceisiadau. Eglurwyd mai 'Deiliad Tŷ (Householder Planning)' ydyw ac y cafwyd system gyfrifiadurol newydd. Ychwanegwyd hefyd bod rhaid cofrestru i gyflwyno sylwadau ac, er gwneud, ni lwyddwyd cael mynediad at y ceisiadau. Ysgrifennir i fynegi anfodlonrwydd am y diffyg gwybodaeth a hysbysu defnyddwyr am y newidiadau yn y system.

d) **Cymorth Cynllunio Cymru – Gwaith yr Arolygiaeth Gynllunio**

Cynhelir gweithdy am ddim yn Llandudno ar Ionawr 24ain – gobeithia'r Clerc ei fynychu.

10. **MATERION PRIFFYRDD A BWRDEISTREFOL**

a) **Materion yn y Gymuned – Llinellau Melyn ar Allt Marchros**

Derbyniwyd llythyr yn hysbysu y bwriedir cyflwyno cyfyngiadau parcio ar yr uchod – cefnogwyd eisoes, gan mai'r Cyngor hwn ofynnodd amdanynt.

- b) **Gwrych Islwyn, Lôn Engan, Aber-soch**  
Ni dderbyniwyd ymateb i'r cais o dorri'r gwrych ond, ni ymwelwyd â'r eiddo dros y gwyliau.
- c) **Gorchymyn Cau'r Ffordd Ddi-ddosbarth gyferbyn â Maes Carafanau Pant Gwyn, Sarn Bach**  
Copi, er gwybodaeth, o'r uchod a ddaw i rym ar Ionawr 13eg ac y pery am dri mis ond, y gobeithir cwblhau'r gwaith o fewn chwe diwrnod ar hugain.

11. **MATERION HAWLIAU TRAMWY – LLWYBRAU CYHOEDDUS**

- a) **Torri'r Llwybrau**  
Credir y deil y swyddog o'i waith, gan na dderbyniwyd ateb oddi wrtho.

12. **TRAETHAU**

- a) **Padlfyrddio ar Borth Fawr**  
Ni dderbyniwyd gohebiaeth bellach.

13. **DYFARNIADAU CYNLLUNIO**

- C19/0872/39/LL Estyniad i annedd, ardal parcio/troi newydd a mynedfa newydd – 2 Tŷ'r Ysgol, Lôn China, Mynytho – **Caniatawyd ag amodau**
- C19/0996/39/LL Ail-leoli saith carafán sefydlog ac ymestyn y safle er gwneud gwaith tirlunio a gwelliannau amgylcheddol – The Warren, Aber-soch - **Caniatawyd ag amodau**
- C19/1023/39/LL Codi decing dyrchafedig ar wahân – 2 Parc y Brenin, Cilan – **Caniatawyd ag amodau**
- C19/1046/39/LL Estyniad deulawr ochr – Tyddyn, Stryd Fawr, Aber-soch – **Caniatawyd ag amodau**
- C19/1070/39/DA Diwygiad di-faterol i ganiatâd C19/0232/39/LL er tynnu linc to brig presennol a'i gyfnwid am do fflat â'i ochrau wedi cladio â llechi – Garreg Wen, Llanengan – **Caniatawyd TC yn unig**

14. **GOHEBIAETH**

- a) **Un Llais Cymru (ULIC)**
  - i) **Dogfen Ymgynghori – Newidiadau i Ffioedd Cynllunio a Cheisiadau Cysylltiedig**  
Gwybodaeth am yr ymgynghoriad a ddaw i ben ym mis Mawrth.
- b) **AHNE Llŷn – Ffynnon Fyw, Mynytho**  
Cynhelir diwrnod gwirfoddoli i atgyweirio'r uchod ddydd Gwener.
- c) **Gwasanaethau Cyfreithiol – Cais am Drwydded Mangre dan Ddeddf Trwyddedu 2003: Sandbar, Y Warren, Aber-soch**  
Copi, er gwybodaeth, o ohebiaeth a anfonwyd at yr ymgeiswyr i ganiatáu'r uchod.
- ch) **Scottish Power – Cyflenwad Trydan Ciosg Llanengan**  
Copi, er gwybodaeth, o ohebiaeth yn nodi y methwyd â gweithio ar yr uchod oherwydd bod rhwystr ar y ffordd... Ni wnaed dim pellach er dweud y bwriedid ailymweld ar Ragfyr 27ain.

- d) **OWL Crime Watch North Wales – Ymgynghoriad**  
Newyddlen yr uchod am gadw cymunedau'n ddiogel – rhy ddrud ac amherthnasol i'r ardal hon.
- dd) **Clwb Golff Aber-soch – Llythyr Cefnogaeth i Gais am Nawdd**  
Anfonwyd llythyr cefnogaeth i'r cais am nawdd i wella'r cyfleusterau newid yn y Clwb.
- e) **Cyngor Tref Porthmadog - Gwasanaeth Bysiau Annigonol i Ysbyty Alltwn, Tremadog**  
Copi, er gwybodaeth, o ohebiaeth at yr Adran Drafnidiaeth yn mynegi pryder am y trafferthion a wyneba cleifion i gyrraedd apwyntiadau yn Ysbyty Alltwn.

15. **CADARNHAU TALIADAU A DERBYNIADAU**

**Taliadau**

Cadarnhawyd talu cyflog mis Ionawr (Rh/S 002266) y Clerc, ynghyd â'r taliadau a ganlyn:

- a) Casglwr Trethi – £5.61 (Rh/S 002265 – Talu Wrth Ennill)
- b) E-on – £20.35 (D/U – Cyflenwad Trydan y Toiledau)
- c) Comisiwn Diogelu Data – £35.00 (D/U – Ffi Diogelu Data)

**Derbyniadau**

- a) Toiledau – £32.10 (Tâl Mynediad – £2.00, £19.80, £10.30)
- b) Gwaith Coffaol Hefin – £160.00 (Carreg Fedd Newydd)

16. **DYDDIAD AC AMSER Y CYFARFOD NESAF**

Nos Fercher, Chwefror 12fed, 2020 am saith o'r gloch

# CYNGOR CYMUNED LLANENGAN

Clerc – Einir Wyn – *Clerk*

Fferm Cae Du, Aber-soch, PWLLHELI, Gwynedd. LL53 7HT

Ffôn: (01758) 712434

E-bost: [clerc@cyngorcymunedllanengan.cymru](mailto:clerc@cyngorcymunedllanengan.cymru)

Gwefan: [www.cyngorcymunedllanengan.cymru](http://www.cyngorcymunedllanengan.cymru)

Ionawr 8fed, 2020

Mr. Dai Davies,  
Ysgrifennydd Clwb Golff Aber-soch,  
Lôn Golff,  
Aber-soch,  
PWLLHELI,  
Gwynedd.  
LL53 7EY

Annwyl Mr. Davies,

## **Llythyr Cefnogaeth i gais Clwb Golff Aber-soch am Nawdd gan Groeso Cymru**

Pleser yw cael ysgrifennu ar ran Cyngor Cymuned Llanengan i gefnogi cais y Clwb Golff am nawdd i wella ac ehangu'r cyfleusterau newid bwriadedig. Byddant o fudd mawr i aelodau'r Clwb a thrigolion lleol ond, yn fwyaf arbennig i'r ymwelwyr a ddaw i'r pentref.

Bu cynnydd aruthrol yn nifer y cerddwyr a ddaw i'r ardal yn dilyn agor Llwybr Arfordir Cymru a chan ei fod yn mynd trwy dir y Clwb Golff, byddai cyfleusterau newydd o fantais a budd i bawb.

Gan ddymuno'n dda i chi yn eich cais, gan hyderu y byddwch yn llwyddiannus.

Yn gywir,

*Einir Wyn*

**EINIR WYN**

**Clerc**

# CYNGOR CYMUNED LLANENGAN

Clerc – Einir Wyn – *Clerk*

Fferm Cae Du, Aber-soch, PWLLHELI, Gwynedd. LL53 7HT

Ffôn: (01758) 712434

E-bost: [clerc@cyngorcymunedllanengan.cymru](mailto:clerc@cyngorcymunedllanengan.cymru)

Gwefan: [www.cyngorcymunedllanengan.cymru](http://www.cyngorcymunedllanengan.cymru)

Chwefror 4ydd, 2020

Annwyl Aelod,

Gwysir chi i fod yn bresennol yng Nghyfarfod Misol y Cyngor **nos Fercher, Chwefror 12fed, 2020** yng Nghanolfan Llanengan am saith o'r gloch.

## RHAGLEN

1. Croeso ac Ymddiheuriadau
2. Datgan Buddiant Personol
3. Eitemau Brys (Cadeirydd/Clerc)
4. Cadarnhau Cofnodion – Ionawr 8fed, 2020
5. Ceisiadau Cynllunio (gweler rhestr drosodd)
6. **Materion yn Codi o'r Cofnodion:**
  - i) 5a) Toiledau Cyhoeddus
  - ii) 5b) Rheolwr Gwarchod y Cyhoedd – Mickey's Boatyard, Marchros
  - iii) 5c) Cyfoeth Naturiol Cymru – Cytundeb Torri'r Foel a Chais i'w Ffensio
7. **Mynwent** – Prisiau Claddu; Yr Hen Fynwent
8. **Caeau Chwarae** – Goliau; Mainc Solar; Coeden ger Cae Chwarae Aber-soch
9. **Cyfrifon** – Awgrymiadau'r Is-bwyllgor Ariannol; Canllaw Syml ULIC ar gyfer Cynghorau Cymuned a Thref Bach i Ganolig – Amserlen Flynyddol o Weithredoedd Ariannol; Swyddfa Archwilio Cymru: a) Datganiad i'r Wasg: Cyfrifon wedi cael Barn Amodol mewn Traean o'r Cynghorau Tref a Chymuned, b) Ymgynghoriad ar Drefniadau Archwilio yn y Dyfodol ar gyfer Cynghorau Cymunedol yng Nghymru; Biniâu/Trethi Tai Haf
10. **Materion Cynllunio** – Materion yn y Gymuned/Ymholiadau/Gorfodaeth; Cytiau Glan Môr; Dilyn a Darganfod; Ciosg BT; Gorfodaeth Yr Hen Iard Lo, Lôn Garmon, Aber-soch
11. **Materion Priffyrdd a Bwrdeistrefol** – Materion yn y Gymuned; Gorchymyn Cau'r Ffordd Ddi-ddosbarth gyferbyn â Maes Carafanau Pant Gwyn, Sarn Bach
12. **Materion Hawliau Tramwy** – Torri'r Llwybrau
13. **Traethau** – Padlfyrddio ar Borth Fawr
14. **Gohebiaeth:**

- a) **Un Llais Cymru (ULIC)** – Pwyllgor Ardal Arfon Dwyfor; SDCau – Diwygio Arfaethedig i Ddau Orchymyn Draenio Cynaliadwy; Ymateb ULIC i Ymgynghoriad ar y Bil Llywodraeth Leol ac Etholiadau (Cymru); Hyfforddiant;
  - b) Mabon ap Gwynfor – Diweddariad Ymgyrch Canolfan Cancr
  - c) Test Strike UK Ltd. – Profi Corn Tanrallt
  - ch) Newyddlen SLCC - Cyfarwyddiadau Mynediad at Gynnwys Gwefannau'r Llywodraeth
  - d) Hunaniaith – Mewn Cymeriad 'Kate'
  - dd) Uwch Gyfreithiwr (Corfforaethol) - Hyfforddiant i Gyngorau Cymuned ar y Còd Ymddygiad i Aelodau
15. Dyfarniadau Cynllunio
16. Cadarnhau Taliadau a Derbyniadau
17. Dyddiad y Cyfarfod nesaf – nos Fercher, Mawrth 12fed, 2020

Yn gywir,

*Eïnir Wyn*

**EINIR WYN**  
Clerc

**Amg.**



## CEISIADAU CYNLLUNIO I'W TRAFOD YNG NGHYFARFOD CHWEFROR

RHIF	RHIF Y CAIS	DISGRIFIAD
1	C19/1180/39/DT	Estyniadau ac addasiadau i dŷ presennol, gan gynnwys codi lefel y to, estyniad llawr cyntaf a chreu balconi – Tŷ Uchaf, Lôn Wilis, Mynytho – <b>Cefnogir</b>
2	C19/1204/39/LL	Creu chwe fflat ac un i'w ddefnyddio fel llety ar gyfer Rheolwr. Gwaith i gynnwys dymchwel estyniad ochr unllawr presennol i westy gwag, codi estyniad tri llawr i'r gwesty gwag a'i drosi'n bedwar fflat hunan gynhaliol, dymchwel yr annedd bresennol yng nghefn y safle a chodi adeilad deulawr newydd â thri fflat hunan gynhaliol yn lle'r annedd a ddymchwelwyd – Venetia, Lôn Sarn Bach, Aber-soch – <b>Gwrthwynebir oherwydd gorddatblygiad a chan fod digon ohonynt ar gael yng nghanol y pentref, ynghyd a dechrau cynsail o droi tai cyfagos yn fflatiau hefyd. Mynegwyd pryder am fynediad i'r briffordd, gan ei fod ger cyffordd brysur yn arbennig yn ystod y tymor gwyliau. Hefyd, mae posibilrwydd y buasai gan bob fflat ddau gar (ac, efallai, gwch/jetski) ar safle bychan. Gallent amharu ar gymdogion o ran sŵn a phreifatrwydd/goredrych. Buasai'n well ei gadw'n westy, gan fod cyn lleied ohonynt yn y pentref.</b>
3	C20/0006/39/DT	Dymchwel strwythurau presennol ac adeiladu estyniad unllawr, ynghyd ag addasiadau mewnol ac allanol i'r annedd bresennol – Tŷ Gwyn, Mynytho – <b>Caniatawyd ag amodau eisoes</b>
4	C20/0008/39/LL	Trosi cyn-gapel yn uned wyliau – Capel Nant, Nanhoron – <b>Gwrthwynebir oherwydd mae angen tŷ fforddiadwy/ angen lleol yn hytrach nag uned wyliau yn yr ardal. Mynegwyd pryder am yr effaith a gawsai o ran sŵn/ goredrych a phreifatrwydd y cymdogion yn y Tŷ Capel oherwydd agosatrwydd y ddau adeilad o gofio pam yr adeiladwyd hwy yn wreiddiol.</b>
5	C20/0016/39/LL	<b>(Cais Ôl-weithredol)</b> Newid defnydd rhan o gae pori amaethyddol ar gyfer storio carafanau teithiol – Ty'n-y-Mur Camping Site, Lôn Garmon, Aber-soch – <b>Gwrthwynebir oherwydd y gall ddechrau cynyddu maint y maes carafanau a'r storfa, gan nad oes sicrwydd am y niferoedd a gedwir/fwriedir eu cadw ar y safle. Maent yn weledol o'r briffordd, Pen y Gaer a Phont Llangian sydd yn rhan o AHNE Llŷn.</b>
6	C20/0033/39/DT	Dymchwel modurdy/storfa atodol bresennol a chodi estyniad unllawr yn ei le, gwelliannau i'r fynedfa gerbydol a chreu man troi a pharcio – Bwthyn, Lôn Sarn Bach, Aber-soch – <b>Cefnogir</b>
7	C20/0035/39/DT	Estyniad unllawr â tho brig, codi to brig dros yr estyniad unllawr presennol a gosod ffenestr do newydd mewn llethr to presennol – Tŷ'n Ffos Isaf, Llanengan – <b>Cefnogir</b>
8	C20/0037/39/DT	Estyniad llawr cyntaf a newidiadau allanol – Sea Leys, Bwlchtocyn – <b>Cefnogir</b>

9	C20/0060/39/AC	Diwygio Amod 6 o Ganiatâd Cynllunio C14/1184/39/LL er mwyn cadw carafân statig ar y safle am ddeunaw mis ychwanegol i'w defnyddio at ddibenion preswyl wrth gwblhau'r gwaith ar y tŷ fforddiadwy newydd a ganiatawyd - Machlud Haul, Llanengan – <b>Gwrthwynebir oherwydd cwblhawyd y tŷ ers peth amser ac mae'r ymgeisydd yn byw ynddo. Mynegwyd pryder am y cyfnod – gallai ofyn am estyniad pellach ar ddiwedd hwnnw.</b>
10	C20/0061/39/LL	Dymchwel ac amnewid cwt traeth presennol – Cwt Glan Môr 3, Borth Fawr, Aber-soch – <b>Gwrthwynebir oherwydd ei fod yn fwy na'r cwt gwreiddiol – mae'n ddeulawr ac uwch. [Disgwylir ateb ers dros flwyddyn oddi wrth Arweinydd y Cyngor a'r Adran Gynllunio i bryder y Cyngor hwn am y newidiadau/ailadeiladu cytiau mwy fel y cais hwn.]</b>
11	C20/0085/39/DT	Estyniad cefn a mân newidiadau – Bryn Ochor, 10 Maes Awel, Aber-soch – <b>Cefnogir</b>
12	C20/0087/39/DT	Estyniad unllawr ar gefn yr eiddo – Rushmere, Lôn Sarn Bach, Aber-soch – <b>Cefnogir</b>

# CYNGOR CYMUNED LLANENGAN

CYNHELIR CYFARFOD MISOL Y  
CYNGOR

Nos Fercher, Chwefror 12fed,  
2020

yng

Nghanolfan Gymdeithasol Llanengan  
am saith o'r gloch

*The Council's Monthly Meeting  
will be held on  
Wednesday, 12<sup>th</sup> February, 2020  
at  
Canolfan Gymdeithasol Llanengan  
at  
7:00 p.m.*